

«Մուլտի մեդիա-կենտրոն թիվի» ՓԲ ընկերության տնօրեն Բեթդեհեմ Արաբյանին

Տեղեկատվության հարցում «Մեդիայի սեփականության մոնիտորինգ - Հայաստան» հետազոտության շրջանակում

Հարգելի տիկին Արաբյան,

Ես Արեն Նազարյանն եմ, Ձեզ գրում եմ «Հետքի» և «Մեդիայի գլոբալ ռեգիստր» (Global Media Registry) կազմակերպության անունից՝ Հայաստանի մեդիայի ոլորտում թափանցիկության ապահովմանը միտված հետազոտությանն աջակցելու խնդրանքով:

Մենք իրականացնում ենք «Մեդիայի սեփականության մոնիտորինգ - Հայաստան» (Media Ownership Monitoring - MOM Armenia) ծրագիրը՝ Կովկասի տարածաշրջանում մեդիայի սեփականության և բազմակարծության առաջին համապարփակ ուսումնասիրությունը: «Կենտրոն» հեռուստաալիքը ընդգրկվել է Հայաստանի առաջատար 40 ազդեցիկ լրատվամիջոցների ցանկում՝ հիմնված լսարանի մեծության և տեղեկատվական բովանդակության վրա: Այդ պատճառով էլ գրում եմ Ձեզ:

Մեդիայի սեփականության մոնիտորինգը միջազգային հետազոտական նախաձեռնություն է, որը փաստագրում է մեդիայի սեփականության կառուցվածքը՝ գնահատելու բազմակարծությունն ու մեդիայի կենտրոնացումը: 2015 թվականին սկզբնապես մշակված լինելով «Լրագրողներ առանց սահմանների» կազմակերպության կողմից, ծրագիրն այժմ իրականացնում է Global Media Registry գերմանական ոչ առևտրային հասարակական կազմակերպությունը: MOM-ը իրականացվել է ավելի քան 30 երկրներում, ներառյալ՝ Մոլդովան, Գերմանիան, Իռլանդիան, Ալբանիան, Բոսնիա և Հերցեգովինան, Շրի Լանկան և Բրազիլիան: «MOM Հայաստան» հետազոտությունը ֆինանսավորվում է Գերմանիայի Դաշնային Հանրապետության Արտաքին գործերի նախարարության «Քաղաքացիական հասարակության համագործակցություն» ծրագրի կողմից: Նախագիծը կավարտվի 2025 թվականի հոկտեմբերին, և հավաքված տեղեկատվությունը հասանելի կլինի անգլերեն և հայերեն, գլոբալ [հարթակում](#):

Մեդիայի սեփականության թափանցիկությունը կարևոր է բազմակարծության ապահովման և կարծիքների բազմազանության պաշտպանության համար: Նույնիսկ այն դեպքերում, երբ համապատասխան օրենսդրություն գոյություն չունի կամ գոյություն ունի, բայց պատշաճ կերպով չի գործում, մեդիայի սեփականատերերը պետք է պրոակտիվ կերպով ներկայանան այն լսարանին, որին ծառայում են: Այս ուսումնասիրությունը կբարձրացնի մեդիայի թափանցիկության աստիճանը լայն հանրության համար և կտեղեկացնի Հայաստանում մեդիայի սեփականության ներկա իրավիճակի մասին:

«MOM -Հայաստան» հետազոտության շրջանակում կվերլուծվի տպագիր, առցանց, ռադիո և հեռուստատեսության 40 ամենաազդեցիկ լրատվամիջոցների սեփականության կառուցվածքը: Մեր հետազոտության արդյունքները կներկայացնենք 2025 թվականի հոկտեմբերի վերջին Երևանում կայանալիք կոնֆերանսի ժամանակ:

Որպես «Մուլտի մեդիա-կենտրոն թիվի» ՓԲ ընկերության ներկայացուցիչ, կարծում ենք, որ Դուք կարող եք զգալիորեն նպաստել մեր նախագծին մասնագիտական փորձագիտությամբ և տեղեկատվությամբ: Խնդրում ենք տրամադրել այն տվյալները, որոնք չենք կարողացել գտնել բաց աղբյուրներում:

1. Ո՞ր թվականից սկսած է «Կենտրոն» հեռուստաալիքը սկսել հեռարձակումը:
2. Խնդրում եմ՝ տրամադրեք, թե ովքեր են ընդգրկված «Մուլտի մեդիա-կենտրոն թիվի» ՓԲ ընկերության տնօրենների խորհրդի կազմում և ով է այն նախագահում:
3. «Մուլտի մեդիա-կենտրոն թիվի» ՓԲ ընկերության տնօրեն Բեթդեհեմ Արաբյանի կենսագրականը և գործունեության մասին տվյալներ:
4. «Կենտրոն» հեռուստաալիքի գլխավոր խմբագրի անուն, ազգանունը, կենսագրականը և գործունեության մասին տվյալներ:
5. «Կենտրոն» հեռուստաալիքի և «Մուլտի մեդիա-կենտրոն թիվի» ՓԲ ընկերության 2024 թվականի տարեկան ֆինանսական հաշվետվության հղումը (եթե ֆինանսական հաշվետվությունը ընկերության և հեռուստաալիքի պարագայում չեն տարբերվում, ապա կարող եք տրամադրել միայն ընկերության ֆինանսական հաշվետվությունը): Եթե հաշվետվությունը չի հրապարակվել, ապա խնդրում եմ տրամադրել 2024 թվականի տարեկան ֆինանսական հաշվետվության փաստաթուղթը:
6. «Մուլտի մեդիա-կենտրոն թիվի» ՓԲ ընկերության աշխատակիցների թիվը՝ նամակին պատասխանելու օրվա դրությամբ:
7. Եթե «Մուլտի մեդիա-կենտրոն թիվի» ՓԲ ընկերությունը արտերկրում ունի դուստր ընկերություն, ապա խնդրում եմ տրամադրել դուստր ընկերության վերաբերյալ տվյալներ:
8. Եթե «Մուլտի մեդիա-կենտրոն թիվի» ՓԲ ընկերությունը բացի «Կենտրոն» հեռուստաալիքից ունի այլ ծրագրեր (հեռուստաալիք, լրատվական կայք և մեդիա այլ ծրագիր), ապա խնդրում եմ տրամադրել ծրագրերի անունները, կայքերի հղումը:
9. Խնդրում եմ նշեք «Մուլտի մեդիա-կենտրոն թիվի» ՓԲ ընկերության հիմնադրի անուն, ազգանուն, հայրանունը:

Հրավիրում ենք Ձեզ մասնակցելու 2025 թվականի հոկտեմբերին կայանալիք կոնֆերանսին՝ քննարկելու արդյունքները տարբեր շահագրգիռ կողմերի հետ, ներառյալ՝ հրատարակիչներ, հեռարձակողներ, լրագրողներ, կարգավորող մարմինների ներկայացուցիչներ և քաղաքականություն մշակողներ: Կոնկրետ օրվա մասին կտեղեկացնենք լրացուցիչ:

Թեև մեր ուսումնասիրության մեջ հիմնականում օգտագործվում են հրապարակայնորեն հասանելի տվյալներ, մենք նախապատվություն ենք տալիս առաջնային աղբյուրներին՝ ճշգրտության համար: Մենք կարծում ենք, որ այս տեղեկատվության տրամադրումը ոչ միայն հանրային պարտավորություն է, այլև բխում է լրատվամիջոցների շահերից:

Այս նամակագրությունը և Ձեր պատասխանը, կամ պատասխանի բացակայությունը, կփաստագրվի և կցուցակագրվի մեր աշխատանքի թափանցիկության բաժնում:

Ինչպես նշվեց, մեդիայի սեփականության ամբողջական մոնիտորինգը կիրառարակվի առցանց և կթարմացվի շարունակաբար:

Մենք սպասում ենք Ձեր պատասխանին մինչև 2025 թվականի սեպտեմբերի 5-ը և պատրաստ ենք պատասխանել ցանկացած հարցի:

Շնորհակալություն Հայաստանի մեդիայի թափանցիկությանը միտված ջանքերում ձեր ներդրման համար:

Հարգանքով,

Արեն Նազարյան

Էլ. Փոստ՝ [REDACTED]

Հեռ.՝ [REDACTED]

«Մեդիայի սեփականության մոնիտորինգ Հայաստան» ծրագրի թիմ՝ «Հետք» և Global Media Registry: